



East Portland Action Plan (EPAP)

Ka hortaga Barakaca Lama filaanka ah Talo soo jeedinta loogu tala galay Bariga Portland

Habka Looga Qayb Qaadanayo Hawlaha Magaalada Ee Ay Tahay In Loo Adeegsado Waxyaalaha La Soo Jeediyay In La Isticmaalo

Iyadoo la hirgeliyay Waxyaalo Loo isticmaalo Ka hortaga Barakaca Lama filaanka ah ee Bariga Portland, waa muhiim in ay bulshadu ka qayb qaadata si looga helo hogaan iyo tilmaamo ku saabsan sida qorshe ahaan wax looga qabanayo arrimaha ay bulshada garawsadeen iyo qoondaynta ilaha dhaqaale ee jira.

Nidaamka soo socda* si firfircoon ayuu bulshada uga qayb galin doonaa iyadoo qaadata mas'uuliyadda iyo natiijooyinka daacada ah ee ka soo baxa hawsha la wado si looga hortago barakaca lama filaanka ah ee Bariga Portland.

- 1) In la bixiyo fursaddo kala duwan oo lagaga qayb qaadayo oo si fudud loo heli karo iyo in go'aan gaarida laga qayb galiyo kuwa ay suurtagalka tahay in ay sida xun u saamayeen dib u cusboonaysiinta guryuhu/kordhinta tayada nololeed.
- 2) In la dhiiri geliyo heshiishka wanaagsan soo socda ee u dhexeeya bulshada iyo Dowladda Hoose iyadoo la xaqiijinayo in uu jiro la xisaabin la xiriira kordhinta wanaaga bulshada iyo ka qayb galinta laga qayb galinayo hawsha, iyo sidoo kale xaqiijinta u hogaansanaanta heshiisyada faa'iidada u leh bulshada faa'iidada u

leh ee ay tahay in uu bilow u noqdo in ay ka faa'iidaystaan bulshada Bariga Portland ee ay sida xun u saamayeen dib u cusboonaysiinta guryaha/kordhinta tayada nololeed markasta oo ay suuragal tahay.

- 3) In la aqoonsado in Dowladda Hoose ay mas'uul ka tahay qorshaynta baahiyaha iyo in ay soo jiitaan bulshada kala duwan ee aan sida fiican adeega u helin, aan lahayn ilo dhaqaale oo badan, cid ka wakiil ahi aanay jirin, iyo in muhiimada la siiyo fulinta siyaasadda iyadoo hadba lagu salaynayo baahida jirta, si loo helo sinnaansho ay gaaraan kuwa ay sida xun u saamayeen dib u cusboonaysiinta guryuhu/ kordhinta tayada nololeed.
- 4) In la kordhiyo fursadaha bulshada lagaga qayb galinayo oo ay noqoto mid macno ku fadhida taasi oo loo baahan yahay in ay noqoto mid cad, si fiican loo qorsheeyay, laga fakaray, sidoo kalena dhaqan ahaan iyo luqad ahaan ah kuwo gaar ah oo leh wakiil iyo jawaab ku habboon hawlaha bulshada iyadoo la adeegsanayo waxyaalaha la soo jeediyay: iyadoo la ogaanayo dhibaata jirto, la baarayo, sidoo kalena la qiimaynayo mashruuca iyadoo la isticmaalayo, lala soconayo, la qiimaynayo, lala xisaabtamayo, sidoo kalena la dhaqan gelinayo.
- 5) In la dhisho awoodda bulshada si loo kordhiyo ka qayb qaadashada mid macno ku fadhida oo bulshadu ka qayb qaadanayaan hawsha, hal-abuurnimada, xalinta iyo sida wax loo hogaamiyo iyadoo illo kala duwan oo sax ah loo qoondaynayo si guul looga gaaro najiijada ka soo baxda ka qayb qaadashada ay bulshadani ka qayb qaadanayso.
- 6) In fikradda bulshadu dhiibato ay noqoto qayb ka mid ah qiimaynta daacada ah ee la qiimaynayo saamaynta ay ku leedahay bulshada si loo dhiiri geliyo fikir laga sii baaraandagay iyo yaraynta siyaasadaha keena raadad xun oo kala duwan, iyadoo aan la eegaynin waxay ujeedadu ahayd markii hore.

*Talooyinkan la soo jeediyay waa dib u eegiddii "Talooyinka la soo jeediyay ee Bulshada ku Salaysan ee ka Hortaga Barakaca" oo aay soo saaridiisa lahaayeen dhowr hay'adood oo bulshada ka tirsan iyadoo talo ahaan loogu soo gudbiyay Cusboonaysiinta Qorshaha Buuxa ee Portland: Febraayo 2015-ka.

Waxyaalo La Isticmaalayo Ee Ay Tahay In La Qorsheeyo** (iyada oo aan hab gooni ah la raacaynin)

Lacagaha ka Qayb qaadashada Hawlaha Magaalada ee Qorshe Hawleedka Bariga Portland

In la dhaqaale Lacageed la siiyo barnaamijka ka Qayb qaadashada Hawlaha Magaalada ee Qorshe Hawleedka Bariga Portland ee qoondeeya lacagaha mashariicda gaarka ah ee la xiriira luqadda iyo jinsiyadda/qowmiyadda ee loogu tala galay dadka aan lahayn ilo dhaqaale oo badan/aan sida fiican adeega u helin iyagoo aan qayb ka ahayn gaaridda go'aanka. Isticmaalida la isticmaalayo habkan wuxuu muujiyay in uu yahay habka ugu fiican ee Qorshe Hawleedka Bariga Portland uga dhex shaqeeyo degaankan qaniga ku ah dadka meelaha kala duwan ka soo jeeda.

Xeerarka Mushaharka In Lagu Noolaado Loogu Tala Galay

Dakhli dheeraad ah oo la hela waxay dadka ka dhigi doonaan in ay awoodaan ijaarka iyo qiime kororka ku yimaada guryaha. Tani waxay kordhin doonaa dakhliga dadka shaqaynaya, laakiin shirkadaha loo shaqeeyaa waxay qaadan karaan shaqaale intii hore ka yar, inkastoo tani aanay noqon mid run ah wakhtiyadii hore ee la dhaafay. Tani noqon mayso mid wax u taraysa dadka dakhligoodu go'an yahay ama aan shaqo haysan, laakiin waxay faa'iido u keeni kartaa dadka intiisa badan, gaar ahaan dadka saboolka ah ee shaqaynaya. Tiro-koobyada la sameeyay ayaa muujinaya in dadka degan Bariga Portland ay helayaan mushahar hooseeya, sidaa darteed fikirku waa in ay saamayn ku yeelan doonto dad badan oo degan Bariga Portland.

**Marka laga hadlayo "dakhliga hooseeya", waxaanu tilmaamaynaa guryaha heerka noloshoodu yahay 60% ama hela dakhligoodu hooseeyo.

Shaqo Siinta Dadka Degaanka

Tani waa mid dadka wax dhisa iyo qandaaraaslayaasha looga baahan yahay in ay muhiimada siiyaan shaqo siiyaan dadka degaanka (oo macnaheedu yahay dadka ka socda Bariga Portland), iyo in ay sidoo kale shaqo siiyaan haweenka iyo dadka laga tirada badan yahay. Tani waa qayb ka mid ah Heshiiska Faa'iidooyinka Bulshada (CBA), oo ay EPAP isla hadaba tixgelinta siisay sidoo kalena taageertay iyadoo faa'iido u keenaysa dadka degan Bariga Portland awoodda ay u leeyihiin in ay helaan mushahar qoysku ku noolaan karo. Dugsiga Degmada David Douglas ayaa qiyaastii 26% shaqo siiyay dadka laga tirada badan yahay iyadoo la adeegsanayo mashruuca Earl Boyles. Iyadoo la eegayo horumarka la saadaaliyay ee Bariga Portland, tani waxay saamayn la taaban karo ku yeelan kartaa mushaharka qoysku shaqada ka helo ee lagu noolaan karo ee degaanka.

Qandaraas Siinta Dadka Laga Tirada Badan Yahay

Bariga Portland waxay leedahay qiyaasta ugu badan magaalada ee dadka isku aqoonsan in ay yihiin "dadka laga tirada badan yahay", sidaa darteed qandaraas siinta dadka laga tirada badan yahay waa inay taageero ka geysataa shaqo siinta bulshada laga tirada badan yahay ee Bariga Portland marka laga hadlayo mushaharka qoysku shaqada ka helo ee lagu noolaan karo isagoo dhanka kalena ka hortagaya barakaca. Ma jiro wax balanqaad ah oo la xiriiira in Qandaraas qaatayaasha ka soo jeeda dadka Laga tirada badan yahay ay runtii faa'iido u keeni doonaan dadka degan Bariga Portland, sidaa darteed waa in ay weheliyaan Shaqo Siinta Dadka Degaanka iyo Heshiiska Faa'iidooyinka Bulshada.

Xasilinta Ganacsiga iyo Xasilinta Ijaarka Ganacsiga

Tani waxay ka mid tahay waxyaabo badan oo ay Tallaabooyinka Horumarka la Xiriiira ee Xaafadda (NPIs) iyo mashaariicda loo yaqaan Main Street u adeegsadaan horumarinta dhaqaalaha, taasi oo ay ka mid yihiin hagaajinta wejiga hore ee dukaanka, taageerada ganacsi ee saxda ah, kordhinta dhaqaalaha, soo jiidashada ganacsiga, iyo horumarinta ganacsiga ee ay bulshadu maamusho. Marka la isticmaalo Xasilinta Ganacsiga iyo Xasilinta Ijaarka waxay ka hortagi karaan barakaca ganacsiyada isla hadaba ka jira Bariga Portland, iyadoo shirkaddo cusub imaanayaan degaanka guryo cusboonaysiinta laga bilaabay.

Xeerka Dib U Maalgelinta

Bangiyada iyo isbitaaladu waa in ay dib u maalgeliyaan bulshooyinka 3 ilaa 5 mayl u jira dhismayaashooda. Barnaamijkan qaab federaali ah ayaa loo abuuray si uu bangiyada talo ahaan ugu soo jeediyo in ay bixiyaan dayn iyo maalgelin kale oo bulshada loogu tala galay oo qofkastaa heli karo, gaar ahaan dadka degaanka ku nool. Bulshada Midabyada kale duwan leh sidoo kalena laga tirada badan yahay ayaa aan si xaq ahayn loogu diidaa in dayn la siiyo. Waan u doodi karnaa nidaamkan la isticmaalayo si uu ugu faa'iideeyo dadka degaanka ku nool, haweenka, iyo xasilinta ganacsiga ay leeyihiin dadka laga tirada badan yahay iyo inuu kordho. Waxay ka hortagi kartaa barakaca iyadoo laga faa'iidayo sanayo lacagaha horumarinta dhaqaalaha loogu tala galay, horumarka la iska kaashanayo, iyo sida joogtada ah ee loo kordhinayo degaanka iyo maalgelin tayo leh oo la maalgelinayo guryaha loogu tala galay dadka uu dakhligoodu hooseeyo, iyadoo la adeegsanayo ururada ganacsiga dardar geliya, ama mashaariicda kale ee bulshada.

Horumarinta Ganacsiga Gaadiidka La Xiriiira (TOD)

Mashaariicda u qalanta in dhaqaale la siiyo iyo taageerada abaalmarineed ee horumarka ku saaban waxaa dhaqaalaha loogu bixiyaa si loo kordhiyo helidda ay dadka degaanku helayaan gaadiidka dadweynaha, taasi oo ay inta badan la socoto qorshaynta iyo muuqaalada dhulka la isticmaalayo si loo dhiiri geliyo raacidda gaadiidka dadweynaha loona yareeya gawaaridda qof ahaan loo leeyahay. Abaalmarinta TOD ee loogu tala galay meel ku haynta ganacsiga iyo kororka ganacsiga ee meelaha u dhow xarumaha gaadiidka ee la qorsheeyay waxay dhiiri gelin karaan horumarka iyo shaqo helidda. Si kastaba ha ahaatee, TOD talo ahaan looma soo jeedin guryaha hela cashuur yar ee qiime dejintu guryuhu soconayso wakhti kooban, ilaa uu jiro dhaqaalaha loogu tala galay horumarinta aan faa'iidadada lacageed laga rabin uu ka noqonayo mid joogteeya in la awooddo.

Heshiisyada Faa'iidooyinka Bulshada (CBA)

Kani waa qandaraas lala galo hay'ad ka socota dowladda, qofka wax dhisa, ama meel kale si faa'iidooyin gaar ah u ay helaan bulshada degaanka ama xaafaddu iyadoo bulshada ama xaafadda la is dhaafsanayo aqbalaad. Mashaariicda dadweynaha, CBAs waa laga wada xaajoon karaa iyadoo lagala xaajoonayo yeelano hay'adda dowladeed ee hawsha wada waxaana la raacin karaa Codsiga Talo Soo Jeedinta (RFP) ee qandaraaslayaasha lala leeyahay. Marka lala shaqaynayo dadka wax dhisa ee gaarka ah, waxa ay faa'iidooyinka ay helayaan bulshadu lagaga wada

hadli karaa qandaraaska lala galo kooxaha bulshada kuwaasi oo markaa aqbala (ama aan diidin) waxyaalaha laga beddelayo mashruuca. CBAs ayaa bixisay dhaqaalaha tababarka goobta shaqada, shaqaalaynta bulshada degaanka, helidda daryeelka carruurta, helidda guryaha qololka ka kooban oo la awooddo, dib u dejinta lacagteeda la bixinayo, xoojinta helidda mushaharka qoysku shaqada ka helo ee lagu noolaan karo, iyo faa'iidooyinka kale ee bulsho.

Xasilinta Ijaarka

Sida ay Oregon u leedahay waxyaalo lagaga hortago kororka canshuurta dhanka hantida oo kale, Xasilinta Ijaarku wuxuu dadka wax ijaarta ee ku nool hantida loogu tala galay qoysaska badan ka illaaliyaa kororka xad dhaafka ah ee ku yimaada ijaarka isagoo qasab ka dhigaya in kororka ijaarku noqdo mid si tartiib tartiib ah oo macquul ah u yimaada, iyadoo sidoo kale la xajiijinayo in mulkiilayaashu helaan waxyaalo fiican oo uga soo noqda maalgelintooda.

Is Cayrinta Sababta la Haysto (JCE), Fulinta Nidaamka La Dejiyay, iyo Waxbarashada Qofka Wax Ijaarta

Joojinta is cayrinta sababta la haystaa waa sharciyada dhowra dadka wax ijaarta iyadoo la xaqiijinayo in mulkiilayaashu ay kaliya dadka guryaha ka cayrin karaa marka sabab saxi jirto, sida marka qofka wax ijaartaa ku guuldaraysto in uu bixiyo ijaarka ama haleeyo/burburiyo hanti. Iyadoo JCE ay tahay ta illaalisa dadka wax ijaarta, hadana mulkiilayaashu waxay lahaadaan xuquuqda buuxda ee ay ku cayrin karaan qofka wax ijaarta markuu jebiyo heshiiska ijaarka. Fulinta Nidaamka la Dejiyay wuxuu mulkiilayaasha ku khasbaa in ay kordhiyaan xaaladda dhismaha ku sugan yahay ee aan badbaadada ahayn. Fulinta Nidaamka la Dejiyay wuxuu xaqiijin karaa guryaha loogu tala galay qoysaska badan loo lahaado sidoo kalena si loo maamulo si mas'uuliyaddi ku jirto. Marka la ogaado in lagu xadgudbay xeerka u yaala guryaha oo ka dibna wax laga qaban waayo, markaa dowladdu waxay ciqaabo weyn ku soo roggi karaan mulkiilayaasha. Waxbarashada la xiriirta xuquuqda iyo waajibaadka ee loogu tala galay dadka wax ijaarta waa in ay noqotoo qayb firfircoon oo ka mid ah JCE iyo Fulinta Nidaamka la Dejiyay, si loo xaqiijiyo in nidaamka la isticmaalayo si daacad ah loola socdo sidoo kalena noqday mid sharci ah.

Baaritaanka Saamaynta Ka Hortaga Barakaca

Baaritaanka La Baarayo Saamaynta uu shay leeyahay waa hab la isticmaalo oo dhismayaasha qoysaska badan iyo dhismayaasha ganacsiga looga baahan yahay in ay bixiyaan qiimeyn ay sameeyaan inta aan wax la dhisin ka hor taasi oo la xiriirta saamaynta waxan la dhisayaa ku yeelan karo barakaca degaanka (caadiyan dhul qiyaastiisu tahay hal may loo isku wareeg ah).

Dayactirka Hantida Guryaha si loo Xaqiijiyo in la Awooddo

Tani waxay khusaysaa lacagaha guryaha dowladda si loo gato dhismayaasha hada jira ee loogu tala galay qoysaska badan ee xaaladoodu liidato iyo si loo dayactiro dhismaha si ay u noqdaan guryo la awooddo oo ay maamulkiisa hayaan kooxo bulshada ka tirsan ama hay'add aan faa'iido doon ahayn oo u adeegta dadka dakhligoodu hooseeya.

In Aanu Kharashku Ka Badnaan Macaashka/Xeerka Illaalinta Guryaha La Awooddo

In Aanu Kharashku Ka Badnaan Macaashka waa marka Magaaladu ay tahay in ay sii wado tiro la cayimay oo ah guryaha la awooddo iyadoo la dhowrayo guryaha jira, dhismayaasha cusub, ama dib u dhisidda guryaha la lumiyay. Xeerka Illaalinta Guryaha La Awooddo waa samaynta siyaasad la xaqiijinayo in tiradaasi guryaha la awooddi karo ee loogu tala galay dadka dakhligoodu hooseeya iyo kuwa uu dhexdhexaadka yahay aanay hoos u dhicin muddo ka dib.

Kordhinta Lahaanshaha Guri iyo Lahaanshaha La Iska Kaashanayo

Tani waxay abuurtaa barnaamijyo lagu kordhinayo fursadaha ay qoysaska dakhligoodu hooseeyaa ay ku helayaan fursad ay ku gataan guri. Macnaheedu waa in la qaado waxyaalaha caqabadaha ku ah dadka guryaha leh si ay lahaanshaha guri ugu fududaato kooxo dadka ka tirsan oo ay inta badan ku adan tahay in ay naftooda u gataan guryo. Lahaanshaha La Iska Kaashanayo ee guryaha loogu tala galay qoysaska badan wuxuu yimaadaa marka koox dad ahi ay sameeyaan iskaashi dhanka ganacsiga si loo wadaago lahaanshaha dhismaha. Xubnaha iskaashigu ka dhexeeyaa waxay ka wada shaqeeyaan in ay gaaraan waxyaalo labbada dhinac u dan ah oo ku salaysan hab dimuqraadi oo wax loo maamulayo iyo go'aan gaarid. Xubnaha iskaashigu ka dhexeeyaa waxaa suuragal ah in ay noqdaan ama aanay noqon dadka degan dhismaha lahaanshihiisa la wadaagayo.

Ka qaybgalinta Xadaynta

Tani waa mid dadka wax dhisa looga baahan yahay in ay tiro guryo ah oo ka mid ah dhismayaasha cusub ee ay dhisayaan ay noqdaan kuwo ay heli karaan qoysaska dakhligoodu hooseeya iyo kuwa uu dhexdhexaadka yahay. Taasi beddelkeeda dadka wax dhisaa waxay helaan magdhow aan lacag ahayn oo ah abaalmarin ay guryo dheeraad ah ku dhisan karaan, xadaynta dhulka oo kala duwan, ruqsaddo degdeg ah, ama xeerar la mid ah oo yaraynaya kharashyada ku baxaya dhismaha ama dhiiri gelinta waxyaalaha ay hiigsanayaan dadka wax dhisaya. Tani waxaa laga samayn karaa marka la dhisayo guryaha loogu tala galay hal qoys ama dhismayaasha loogu tala galay qoysaska badan.

Ku sii Jiridda Guryaha Dadkii Iska Lahaa ku Jirayaan ee Loogu tala galay Dadka Dakhligoodu Hooseeyo

Marka qiimaha gurigu kordhaba waxaa kororta cashuurta iyadoo dadka ku nool dakhli kooban oo cayiman ay kari waayaan in ay bixiyaan cashuuraha. Inkastoo laga faa'iido lacageed laga helayo gadida guriga la gadayo, hadana dadka ma awooddi karaan in ay ku sii jiraan guryaha ay mudada dheer deganaayeen iyagoo sidoo kalena aan degaanka ka heli karin guri kale oo aanan ku sugnayn xaaladaasi oo kale.

Wixii macluumaad dheeraad ah ee ku saabsan waxyaalaha loo isticmaalo ka hortaga barakaca, la tasho kuwa soo socda:

Isku xirka Siyaasadda 'PolicyLink':

<http://www.policylink.org/equity-tools/equitable-development-toolkit/all-tools>;

'Warbixinta Siyaadaha Ka Hortaga Barakaca Ee Aan Cully Ahayn':

http://www.pdx.edu/usp/sites/www.pdx.edu.usp/files/A_LivingCully_PrinterFriendly_0.pdf;

'Yaraynta Barakaca la Xiriira Dib u cusboonaysiinta Guryaha: Waxyaalaha loogu tala galay Portland, Oregon'

https://wikis.uit.tufts.edu/confluence/download/attachments/37718593/This_Eunice_Kim_2011_final.pdf?version=1&modificationDate=1321809955000;

2013 Daraasadda Dib u cusboonaysiinta Guryaha iyo Barakaca:

<http://www.portlandoregon.gov/bps/article/454027> .

QORSHE HAWLEEDKA BARIGA PORTLAND

www.eastportlandactionplan.org

Xafiiska Xaafadda Bariga Portland 1017 NE 117th Ave. Portland, OR 97220

503.823.4035 ama lore.wintergreen@portlandoregon.gov